



05/11523-18  
1/17.3/3655-18

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱԿԱՐԳ  
ԻՐԱՎԻՃԱԿՆԵՐԻ ՆԱԽԱՐԱՐ

Հ Ր Ա Մ Ա Ն

№ 884

«03» 08 2018 թ.

ք.Երևան

ՓՐԿԱՐԱՐԱԿԱՆ ԾԱՌԱՅՈՒԹՅԱՆ ՊԱՇՏՈՆՆԵՐԻՆ ՆԵՐԿԱՅԱՑՎՈՂ  
ՀՈԳԵԲԱՆԱԿԱՆ ԵՎ ՀՈԳԵՖԻԶԻՈԼՈԳԻԱԿԱՆ ՀԵՏԱՋՈՏՈՒԹՅՈՒՆՆԵՐԻ  
ԸՆԹԱՑԱԿԱՐԳԸ, ՉԱՓՈՐՈՇԻՉՆԵՐԸ, ՀՈԳԵԲԱՆԱԿԱՆ ԵՎ  
ՀՈԳԵՖԻԶԻՈԼՈԳԻԱԿԱՆ ԲՆՈՒԹԱԳՐԻ ԵՎ ԴՐԱ ՔԱՂՎԱԾՔԻ ՕՐԻՆԱԿԵԼԻ  
ՁԵՎԵՐԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱԿԱՐԳ  
ԻՐԱՎԻՃԱԿՆԵՐԻ ՆԱԽԱՐԱՐԻ 2017 ԹՎԱԿԱՆԻ ՄԱՐՏԻ 17-Ի ԹԻՎ 299-Ա  
ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի  
Հանրապետության (այսուհետ՝ ՀՀ) օրենքի 37-րդ հոդվածով և ՀՀ վարչապետի 2018  
թվականի հունիսի 11-ի N 740-Լ որոշմամբ հաստատված ՀՀ արտակարգ  
իրավիճակների նախարարության (այսուհետ՝ ԱԻՆ) կանոնադրության 18-րդ կետի  
21-րդ ենթակետով.

Հ Ր Ա Մ Ա Յ ՈՒ Մ Ե Մ

1. Հաստատել՝

1) փրկարարական ծառայության պաշտոններին ներկայացվող հոգեբանական  
և հոգեֆիզիոլոգիական հետազոտությունների չափորոշիչները՝ համաձայն  
հավելված 1-ի.

2) հոգեբանական և հոգեֆիզիոլոգիական բնութագրի օրինակելի ձևը՝ համաձայն հավելված 2-ի.

3) հոգեբանական և հոգեֆիզիոլոգիական բնութագրի քաղվածքի օրինակելի ձևը՝ համաձայն հավելված 3-ի.

4) «Ռիսկի խմբի» գործոնների կողավորման սխեման՝ համաձայն հավելված 4-ի (գաղտնի):

2. ՀՀ ԱԻՆ փրկարար ծառայության (այսուհետ՝ ՓԾ) ճգնաժամային կառավարման ազգային կենտրոնի (այսուհետ՝ ՃԿԱԿ) հոգեբանական աջակցության բաժնի (այսուհետ՝ ՀԱԲ) պետ, փ/ծ կապիտան Արևիկ Երիցյանին՝

1) սահմանել հսկողություն ՀՀ ԱԻՆ ՓԾ ծառայության անցնելու համար դիմած քաղաքացիների հետ հարցաշարերի, թեստերի, այլ ձևայնացված փաստաթղթերի, ախտորոշիչ սարքերի միջոցով հոգեբանական և հոգեֆիզիոլոգիական հետազոտությունների անցկացման նկատմամբ.

2) հոգեբանական և հոգեֆիզիոլոգիական հետազոտություններն իրականացնել յուրաքանչյուր երեքշաբթի և հինգշաբթի օրերին՝ ժամը 10:00-ին և 14:00-ին.

3) անցկացրած հետազոտությունների արդյունքների վերաբերյալ 10-օրյա ժամկետում կազմել հոգեբանական բնութագիր, որի քաղվածքը ներկայացնել ՀՀ ԱԻՆ ՓԾ կադրերի վարչություն՝ փրկարարական ծառայության անցնելու նպատակահարմարությունը որոշելու համար.


4) հոգեբանական բնութագրի քաղվածքի կորստի դեպքում վերջինիս կրկնօրինակը տրամադրել ՀՀ ԱԻՆ ՓԾ տնօրենի թույլտվությամբ.

5) անցկացրած հետազոտությունների արդյունքների վերաբերյալ կազմված բնութագիրը և բնութագրի քաղվածքը շահագրգիռ ստորաբաժանումների ղեկավարներին և պաշտոնատար անձանց տրամադրել միայն ՀՀ արտակարգ իրավիճակների նախարարի կամ ՀՀ ԱԻՆ ՓԾ տնօրենի հետ համաձայնեցնելուց հետո.

6) հետազոտվող քաղաքացուն իր ցանկությամբ տրամադրել հետազոտության արդյունքների վերաբերյալ կազմված բնութագրի քաղվածքը՝ վերջինս կադրերի վարչությանը տրամադրելուց հետո:

3. Ուժը կորցրած ճանաչել ՀՀ արտակարգ իրավիճակների նախարարի 2017 թվականի մարտի 17-ի «Փրկարարական ծառայության պաշտոններին ներկայացվող հոգեբանական և հոգեֆիզիոլոգիական հետազոտությունների չափորոշիչները, հոգեբանական և հոգեֆիզիոլոգիական բնութագրի և դրա քաղվածքի օրինակելի ձևերը հաստատելու մասին» թիվ 299-Ա հրամանը:

4. Հրամանը հայտարարել ըստ առնչության:

  
??????  
Aug 3 2018 11:38 AM

Հ.ՌՈՍՏՈՄՅԱՆ